

بر نسخہ می بر غروشد در .

بر نسخہ می بر غروشد در .

مجموعہ

استانبول ایچون آتونه بازماز . خارج ایچون برسندہ لک
آتونه بدلی — بوسندہ اجریتله برابر — یاریم عثمانلی
لیراسیدر .

مرکزی ابوالسعود جادہ سندہ ۱۸ نومرولو دکانددر .
کوندریلہ جک اوراقی معلم نامندہ اورایہ کوندرملیدر .
بوسندہ اجریتی ویرلماش مکاتیب قبول اونماز .

فی ۶ ربیع الآخر سنہ ۱۳۰۵ (معارف نظارتک رخصتیلہ ہفتہ در دفعہ نشر اولتور) فی ۹ کانون اول سنہ ۱۳۰۳

مکتب حقوق درسریک خلاصہ می :

— ۲۵ —

۱

(الف)

ادوات فارسیہ دنددر . اساغزددہ استعمال اولتور .

۱ — عربی ، فارسی اسمعلک اواخرینہ کتجنجہ ادات ندا
اولور :

(قامتن سیر الہ انصاف ایت اوبلا مصرعی
زاهداسن شاعر اولسک انتخابتیزمیسین)

« ندیم »

(بادشاہا خسروا شاہنشہا داد آورا)

« اسماعیل پاشا زادہ حق بک »

آخرلرندہ (ی) دن ماعداد حرف مدویا ہای رسمہ
بولتان اسملرہ الف ندا لاحق اولماز .

(خدایا) دہ کوردیکمز الف (خدا) یدکل . (خدای) ہ
لاحق اولمشدر .

۲ — فارسی امر حاضرلرہ لاحق اولتجنجہ ادات فاعلیت
اولور . بوخالدہ امر حاضر اسم فاعل معنائی افادہ ایدر :

« دان ، دانا (دانندہ) — بین ، بینا (بینندہ) — جوی ، جو یا
(جویندہ) — کوی ، کو یا (کویندہ) . »

(اولسہ شایستہ جہان جہان جویای عدم)

« عاکف پاشا »

(ایلدم خامۂ معجزدی کو یای عدم)

« کذا »

(کو یا) ادات تشبیہ اولتجنجہ الفی اصلی اعتبار اولتور .

۳ — عربی اولسون ، فارسی اولسون ایکی گلہ آرسندہ
کیرنجہ ادات مساوات اولور :

« سرامر — دوشا دوش — لبالب — نوشا نوش — کرما کرما
— پیایی — انسا انس — فیضا فیض . »

بومثالاردن آکلا شیلیہ جتی اوزرہ الف مساوات اکثریا
بربرینک عینی اولان کلین آرسندہ بولنورسہ دہ بعضاً (سرا یا)
کچی بشقہ بشقہ کلملر آرسندہ دہ بولنہ بیایر .

فی الاصل (نک و یو) دیشک اولان (نکایو) دہ کی الف
واو عاطفہ یہ بدل اعتبار اولتشن ایسہ دہ بونک دخی معنای
مساواتہ دلالت ایدہ بیلہ جکی آشکاردر .

(رفعا — نظما — نعما) کچی بعض اسماء خاصہ دہ کی الفلرہ
— معنادہ مدخلاری اولدینی جہتلہ — ادات دینیلہ مز . بونلرہ
(الف زائدہ) ویأ (الف اشباع) دینلملیدر .

اما (رفیع — نظم — نیم) اسمعلرینہ صکرہ دن الف
کتیریلہ جک اولورسہ ادات ندا اولوق لازم کلیر . حال بونکہ شاعر
مشہور (ندیم) مخلصک آخرینہ — هیچ لزومی یوق ایکن —
الف کتیرمکدن ذوق آلانلردندر :

(یلیریم قصیدی بالله ندیمانک بن)

§

(بونکون بلشرفراز وشادمان کوردیم ندیمایی)

§

(سندہ ای کلک ندیمانہ بوسوز تقریر)

داغب پاشادہ حشمتک (سند الشعرا) سنہ یازدینی
تقریرشدہ :

(حشمتا اوغزلرک آتاری)

(یلیریر رسم وردہ شاعری)

دیکلہ اکتفا ایدہ میہرک بردہ :

(حشمتا بنشاون پیر اولسون)

دیشدر . پاشانک بوندن مقصدی لطیفہ اولدینی ظن ایشکلہ
برابر جدیادہ بوخصوصی شایان تقلید کوردمیز .

— ۲۶ —

دک — دکین — قدر

اتہا ادایتدیرلر .

(دک) حیلہ معناسندہ اولتجنجہ ادات اولماز . عاصم چلی
زادہ نک شو مطلعندہ کی (دک) لردن برنجیسی ادات اولدینی
حالدہ ایکنجیسی دکلر :

(بادہ نوشان هوادن زمرة زہادہ دک)

(انشددر شمدی برعبار ترسا زادہ دک)

(دکین) ک استعمالی محرات رسمیه مخصوص کیدر . اساغزہ
وداع ایدہ جک کلادتندر .

بونلردن اک زیادہ استعمال اولتان (قدر) در . بودخی
(حکم ازلی) معناسندہ اولتجنجہ ادات اولماز .

عزت ملانک بیت آتینی ایکسنی جامعدر :

